

降多無雨而風凡颭將至則天邊有斷虹先見一  
片如船帆者曰破帆稍及半天如鬣尾者曰屈鬣  
土番識風草草生無節則一年無颭一節則颭一  
次多節則多次颭之名以時而異正月初四日曰  
接神颭初九日曰玉皇颭十三日曰關帝颭念九  
日曰烏狗颭二月二日曰白鬚颭三月三日曰上  
帝颭十五日曰真人颭念三日曰馬祖颭真人多風  
馬祖多雨  
已上春三月共三十六颭此其大者四月八日曰  
佛子颭五月五日曰屈原颭十三日曰關帝颭六  
月十二日曰彭祖颭十八日曰彭婆颭念四日曰

洗炊籠颭七月十五日曰鬼颭八月一日曰竈君

颭十五日曰魁星颭九月十六日曰張良颭十九

日曰觀音颭十月十日曰水仙王颭念六日曰翁

爹颭十一月念七日曰普菴颭十二月念四日曰

送神颭念九日曰火盆颭念四日已後皆曰送年

風按升菴先生云  
颭當作颭音貝

鳳山縣有薑名三寶薑相傳明初三寶太監所植

可療百病

諸羅縣番首名大眉者每歲東作時諸番請其出  
射射所及之地稼輒大熟號靈箭